



სასაბუნდო ფურცელი

სურათებიანი ჟამათება

გაფათის № 140

ღამათების № 25

კვირა, 16 ნოემბერი 1914 წ.

10/49



პორ. თავ. არჩილ ბაგრატიონ-დავითაშვილი. (დაჭრილია).

კაპიტანი გიორგი თავაძე (დაჭრილია).

განუგებელი სიმი

დრამა ოთხ მოქმედებად.
(დასასრული *)

მომხდელია მართხი.

ისევ ვახტანგის სამუშაო ოთახია. წიგნები მაგიდაზე აწეწილ-დაწეწილი ჰყრია. საზოგადოდ ოთახი დალაგებული არ არის. ვახტანგი, მკლავებზე თავდაყრდნობილი, ღრმად ჩაფიქრებული, მაგიდასთანა ხის და გადაშლილ რვეულს ჩასცქერის.

სასტუმრო ოთახიდან ვიოლინის ხმა ისმის, ნუცა უკრავს.

ცოტა ხნის შემდეგ ხმა მისწყდება. ვახტანგი წამოდგება და ალღე-ვებული ოთახში დაიწყებს სიარულს.

ვახტანგი. (დედას დაუძახებს) დედა! დედა! (პასუხს არავინ აძლევს) დედა-მეთქი! დედა! (ფეხებს დააბრაზუნებს) დედა, დედა! სად ჯანდაბაში დაიკარგეთ!

(შემოდის შეშინებული მარინე).

მარინე. რა იყო, შვილო, რად მეძახოდი?

ვახტანგი. სად დაიკარგეთ? რას მემალებით? ნუ გეშინიანთ! შეშლილი არა ვარ. არაფერს დაგიშავებთ.

მარინე. რად უნდა გეშინოდეს, შვილო! ცოტა ხნით სამზვარეულოში გავედი და შენი ხმა ვერ გავიგონე. რა გინდოდა?

ვახტანგი. მამა სად არის? მამა სად არის-მეთქი!..

მარინე. მამა მინდორშია, მუშები ჰყავს.

ვახტანგი. ძიძა სადღაა?

მარინე. ძიძა სამზვარეულოშია.

ვახტანგი. რასაკვირველია! ყველას ეხლა გაგიჩნდათ საქმე! მთელი საათია ჩემს ოთახში ვარ გამომწყვდეული და ერთხელ არავინ შემოიხედა, თითქოს აქ ადამიანი კი არა, მძოვრი ეგდოს...

მარინე. შვილო!..

ვახტანგი. (სიტყვას გააწყვეტინებს) რა იყო? შეგეშინდა? ხა, ხა, ხა! ნუ გეშინიან, ყველანი მძოვრები გაეხდები. საშიში არაფერია. ბუნება თავის დანიშნულებას მაინც შეასრულებს. ჩვენ, სიკვდილის შვილო, განა შეგვიძლიან ბუნების ბრძნული გარდაწყვეტილება შევცვალოთ? ტუტუც ადამიანს ჰსურს ღმერთად იქცეს და სიკვდილი მოსპოს! გეცინება, განა, დედა! ყველაზე ძალიან მაშინ გაიცინებ, როდესაც სიკვდილი დამკრუჩხავს, სახეს შემიშლის, როდესაც

სასაცილოდ გავიშორები და დღესასწაულს გაეუმართავ მატლებსა და ქია-ლუსს.

მარინე. ვინ ჩავიდო თავში ეგ სულელური აზრი? ვინ იყო ის ჩემი ცოდვით საგსე ადამიანი? ვისაც მეტი გაეგება, ის სულ სხვას ამბობს. ექიმმა...

ვახტანგი. (სიტყვას გააწყვეტინებს) შენი ექიმი სულელია!

მარინე. ეგეც ახალი გაგონებაა. შენ არ იყავი, იმის ქებით აღარ იცოდი რა გექნა?

ვახტანგი. სულელია-მეთქი, სულელი! ექიმი ჩემი მტერია! ჩემი ბედნიერება შეჭმურდა და ჯადოსნური ქსელი გამიბა. არა გჯერა? აბა ნუცასა ჰკითხე? ნუცამ ყველაფერი კარგად იცის.

მარინე. ნუცა ჯერ ბავშვია, იმას არაფერი გაეგება და არც დაუწყებ ამაზე ლაპარაკს.

ვახტანგი. ნუცა ბავშვია, მაგრამ ბევრს ჰკვიანზე უფრო კარგად და ჰგონობს. თუადამიანს გრძნობა არა ჰღალატობს, ველარაფერი მოატყუებს. ის კი, ვინც მარტო ფიქრობს და გრძნობა კი დახშული აქვს, საცოდავი არსებაა. გონება ვარსკვლავების მოძრაობაში ეძებს აზრს და ცხვირ წინ კი რა ჰხდება, ვერა ჰხედავს. ვარსკვლავების თვლაში მას მიწა ეცლება ფეხიდან და უფსკრულში ვარდება. ნუცა არასოდეს უფსკრულში არ გადაიხეცება. ის უცნაური გრძნობის ადამიანია. ექიმი კი სულელია, ექიმი ჩემი მტერია.

მარინე. (მოთმინებლად გამოსული. ალღევებით) მე კი ვიცი, ვინც არის შენი უსაშინელესი მტერი.

ვახტანგი. (თვალეში ჩააშტერდება) ვინ?

მარინე. ელენე!

ვახტანგი. დედა!

(პაუზა).

მარინე დიახ, ელენე! იმან აგიფორიაქა სული და გული, იმან მოგიშხამა სიცოცხლე. სანამ იმას შეჭვდებოდი, შენც დამშვიდებული იყავი და ექიმიც კარგი იყო. მოვიდა წყეული, მოგაჯადოვა და შენც დაჰკარგე სიმშვიდე.

ვახტანგი. შენც ეგრე ფიქრობ, დედა? (ხელს წაავლებს და სკამზე დასვა. ჩურჩულით). მაშ, გეტყვი, საიდუმლოდ გეტყვი; რასაცა ვგრძნობ. ეცადე კი, ნუცამ არ გაიგოს.

მარინე. ნუცამ?

ვახტანგი. ჰო, ნუცამ. ყველაზე მეტად ნუცასი მეშინიან. ბავშვი ყოველთვის სასტიკია, დანდობა არ იცის. უყვარხარ, მაგრამ მაინც არ დაგინდობს. ნუცასი მეშინიან. თუ გაიგო, არც ის დამინდობს. აბა გაიხედე, ხომ არ მოდის.

მარინე არავინ არის, ვინ უნდა მოვიდეს?

ვახტანგი გაიხედე, გაიხედე-მეთქი! (მოუთმენლად) გაიხედე, ნუცა ხომ არ მოდის მეთქი! ჩქარა!




პორ. თავ. გრიგოლ ავალი-შვილი (დაჭრილია).



პორ. ს. სტანიშვილი (დაჭრილია).

*) იხ. სურათებიანი დამატება № 24.





პოდ. მოსე გობრონიძე (დაჭრილი).



პოდესაული თავ. ნიკოლოზ ამილახვარი (მოკლულია).

მარინე. (გაკვირვებული ვახტანგს შეხედავს, კარებს გამოაღებს და გაიხედავს) არავინ არის, დამშვიდდი!

ვახტანგი. მოდი აქა, მოდი ჩემთან. (მარინე მიუახლოვდება). ვინ გითხრა, რომ ყველაფერი ელენეს ბრალია? ნუცამ ხომ არ გითხრა?

მარინე. არა! მე თითონ ვხედავ, განა ძნელია მაგის გამოცნობა? სანამ ელენეს შეხედებოდი, დამშვიდებული იყავი. მეც მაგას ვამბობ, მამაშენიც. ექიმიც...

ვახტანგი. (აღელვებული) ექიმს თავი დაანებე, ის სულელია.

მარინე. არა, შვილო, სულელი არ არის, იმას სიკეთე უნდა შენთვის.

ვახტანგი. რასაკვირველია! მოვა და გულს გამიწყალებს, სა-აგარაკოდ წაიღო. დაუჭერია ხელში რაღაც ჩაქუჩი და ჰგონია, რომ შეუძლიან გაიგოს აი აქ, ამ გულში, რა ჰხდება. დედა! ექიმი სულელია! ვის შეუძლიან გაიგოს, ჩემს გულში რა ჰხდება... (უცბად შეპკრთება) ნუცა ხომ არ მოდის?

მარინე. არა, შვილო, არა! ვერე ძალიან რამ დაგაშინა?

ვახტანგი. შენ ამბობ, ყველაფერი ელენეს ბრალიაო. არ შეიძლება როგორმე ელენე თავიდან მოვიშოროთ? მოვიშოროთ ისე, რომ ერთმანეთს აღარ შევხვდეთ.

მარინე. რატომ არ შეიძლება? დღესვე გამოეფცხადებ, ფეხი აღკვეთოს ჩვენს სახლში. დამერწმუნე, ამას რომ ვაიგებს, სულაც წავა აქედან.

ვახტანგი. არა, დედა, ეგ ვერ გვიშველის. ცხრა-მთას იქითაც რომ გადაიკარგოს, იმისი სული მაინც აქ იტრიალებს. ჩვენ ხომ დიდხანს ვიყავით დაშორებული? მაინც მოდიოდა ჩემთან, მელაპარაკებოდა და თავისკენ მიზიდავდა.

მარინე. სად მოდიოდა? შენ უცხოეთში იყავი, ელენეს კი აქედან ფეხი არ მოუტყლია.

ვახტანგი. მაინც ჩემთან იყო, განუშორებლად ჩემთან იყო. ელენეს მოშორება ისევე ძნელია, როგორც მზისაგან შუქისა და სითბოს მოშორება. აბა, სცადე, ანთე სანთელი და მოაშორე შუქი. ხომ ვერ მოახერხებ? სანამ სანთელი სულ არ ჩაიწვის, ბოლომდის არ ჩაიფერფლება, შუქიც იქნება. მე სანთელი ვარ, შუქი — ელენეა. განგებამ ასე ინება. ელენე მხოლოდ მაშინ მომშორდება, როდესაც ჩემი სიცოცხლე ჩაიწვება და მეც ფერფლად ვიქცევი. ნუცას კი არ უთხრა, რასაც გუებნები. ნუცა სხვანაირად ფიქრობს.

მარინე. თუ დედის რჩევას დაიჯერებ, შვილო, მალე განიკურნები შიშისაგან. მხოლოდ ნება მომეცი, ელენეს ვუთხრა შენის სახელით, რასაცა ვფიქრობ.

ვახტანგი. ამაოა, დედა! შენ მხოლოდ შეგიძლიან ელენე სახლიდან დაითხოვო. იქნება ჩვენი სოფლიდანაც განდევნო, მაგრამ მის სულს, რომელიც მთელს ჩემს არსებაშია ჩაქსოვილი, ვერაფერს უზამ. თუ შეგიძლიან, ერთმანეთს ისე განგვაშორე, რომ მე იმისთვის აღარ ვიყო საჭირო და ის ჩემთვის. დედა! თუ ამას იზამ, მეც კვლავ აღვსდგები მკვდრეთით, კვლავ ფასი დაედება სიცოცხლეს, კვლავ ამობრწყინდება მზე შენი შვილისთვის, მზე, რომელიც სამარადისო სხივით გააშუქებს მის გატანჯულ სახელს. დედა! ჩემო დედიკო! (მიესაყვარლება) რომ იცოდე, როგორ ვიტანჯები, რომ იცოდე, რა საშინელი ცეცხლი ტრიალებს ამ გულში, ცრემლად იქცეოდი და შენის წმინდა ცრემლით მოისურვებდი დაკოდილი გულის განკურნებას.

მარინე. (მოეხვევა) დამშვიდდი, შვილო, დაწყნარდი! შენ თითონ აგდებ შენს თავს სატანჯველში, თორემ საიმისო არაფერი გაქვს.

ვახტანგი. (მოეხვევა). თვალწინ მიდგას ჩემი ბავშვობა. მახსოვს, ძალიან კარგად მახსოვს, ასე მგონია გუშინდელი ამბავია მეთქი; მახსოვს, როგორ მომიჯდებოდი საწოლთან და უცნაურ, ლამაზ ზღაპრებს მეუბნებოდი, ხან ცხრა თავიან მდევებსა და ხან ნაცარქექიაზე. ბუხარი სასიამოვნოდ გუგუნებდა; სითბო და მყუდროება იყო მაშინ დასადგურებული ჩვენს სახლში. ჩემს გულშიაც მაშინ მყუდროება იყო. ექვიანი გონება ჯერ საბედისწერო საკითხებს არ მაგონებდა და მეც უდარდელად ვკისკისებდი. ავერ, დედა-ჩემი ლოგინთანა სწევს, შუბლზე ხელს მისვამს და ზღაპრებს მეუბნება. მე ნელ-ნელა თვალი მეხუჭება, ძილი მერევა. დედა დაჩუმდა და ცოტა ხნის შემდეგ ტკბილი მშობლიური ნანა მომესმა. (გამოერკვევა) დედა! რად გაჰქრა ის მშვენიერი წუთები! რატომ ისევ ბავშვი არა ვარ. დედა!.. (უცბად ქვითინი აუტყდება და დედის მხრებზე დაეცემა).

მარინე. (ცრემლ-მორეული ხან შუბლზე ჰკოცნის, ხან თვალეში. თმას უსწორებს და ეალერსება) დამშვიდდი, შენ კი გენაცვალოს დედა, შვილო! დამშვიდდი!

ვახტანგი. (ცოტა დამშვიდებული) იცი, დედა, კიდევ რა მახსოვს კარგად? რომელიღაც სახლში ვსცხოვრობდით, ქალაქში. სადღაც მივდიოდით და სახლი აწეწილ-დაწეწილი იყო. მაგიდაზე სამოვარი იდგა. მე ხელში ვეჭირე მამას. როგორღაც სამოვარს მივსწვდი. ჩაინიკს წავავლე ხელი და ცხელი ჩაი მოვიყუდე. რასაკვირველია, პირი გამომეთუთქა და ღრიალი დავიწყე. ასტყდა ალი-აქოთი...

მარინე. (ღიმილით). ეგ როგორ გეხსომება, შვილო, მაშინ ორი წლისა ძლივს იყავი.

ვახტანგი. (გამხიარულებული) როგორ არ მახსოვს, ძალიან კარგად მახსოვს. თუ გინდა, ავიწერ კიდევ, ოთახი რანაირი იყო. შუა ადგილას მაგიდა იდგა, მაგიდაზე ბევრი თხილი ეყარა. სოფლიდან ჩამოეტანა ძიძასა. ოთახიდან რომ გამოვიდოდით, აი აქეთ, ასე, საფეხურიანი კიბე იყო. დიდი ეზო გვექონდა. ის ეზოც მახსოვს. ახლო სკოლა იყო, იქიდან ბავშვები მოდიოდნენ და იმათთან ბურთსა ვსთამაშობდი. მართალს არ ვამბობ?

მარინე. ალბათ მერე გიამბო ვინმემ, შვილო, და ის დავახსოვდა, თორემ როგორ შეიძლება ორი წლის ბავშვს დაახსომდეს რამე?

ვახტანგი. ღმერთმანი მახსოვს, დედა! არც არავის უამბნია. ისე კარგად მახსოვს, თითქოს გუშინ მოჰხდა მეთქი. ისევ თვალ-წინ მიდგას სამოვარიც, მაგიდაც, ასე მგონია პირიც ისევ მეწვის მეთქი! ღმერთმანი.

(ისმის ზარის ხმა. ცოტა ხნის შემდეგ ძიძა შემოდის).

მარინე. ვინ მოვიდა?

ძიძა. ექიმი გახლავთ, ვახტანგის ნახვა ჰსურს.

ვახტანგი. (დედას) სთხოვე.

(მარინე და ძიძა გადიან. ცოტა ხნის შემდეგ ექიმი შეჰოდის. ვახტანგს ერთბაშად სახე ისევ მოეღრუბლება და მაგიდასთან დაღვრემილი დაჯდება.)

ექიმი. (ხელს ჩამოართმევს) სხვა, როგორა ბრძანდებით, ბატონო ვახტანგ? ამ ბოლო დროს თითქოს უკეთესად გამოაყურებით.

ვახტანგი. გმადლობთ, არა მიშავს რა. ღეთისა და თქვენი წამლების დახმარებით იქნება როგორმე განვიკურნო და ჩემს სიცოცხლეს კიდევ რამდენიმე წუთი მიუშაბო.

ექიმი. (ვითომ ვახტანგი ირონია არ ესმის) რატომ, რატომ? მე ღრმადა ვარ დარწმუნებული, მალე სრულიად განიკურნებით და



ივ. კობალაძე (მოხალისე, დაჭრილი).



„სახალხო ფურცელის“ ასოთამწყობი გიორგი შვიციძე ჯარის-კაცი. (დაჭრილია).



გერმანელების მიერ გაკეთებული ფარული ორმოები
მავთულის ხლართების უკან.

კვლავ განაგრძობთ უდროოდ შეწყვეტილი შრომის წერას.

ვახტანგი. (აღელვება შეემჩნევა). ჩემს შრომას აღარ დაუბრუნდები, ბატონო ექიმო. დავრწმუნდი, რომ იგი არავისთვის არ არის საჭირო.

ექიმი. აი ეგ კი მწყინს! თქვენ ჰქმნით, დაფასება სხვას მიანდეთ. მართალია, იქნება ძალიან პატარა კაციც იყო, იქნება ზოგიერთ შემთხვევაში ჩემი შეურაცყოფაც კი ადვილი საქმე იყოს, მაგრამ გარწმუნებთ, იმდენი მაინც გამეგება, ნიჭიერი ადამიანის შემოქმედება დავაფასო და მეგობრობა გაუწიო მაშინ, როდესაც მეგობრობის გაწევა ჩემი სინდისის მავალეა. თქვენს მტრულს განწყობილებას, ბატონო ვახტანგ, არავითარ ყურადღებას არ ვაქცევ, რადგანაც მჯერა—იგი შედეგია არა იმდენად ავადმყოფობისა, რამდენადაც იმ სულიერი დრამისა, რომელსაც თქვენ განიცდით.

ვახტანგი. თანაგრძობისთვის მადლობას მოვასხენებთ. რაიცა შეეხება ჩემს შრომას, იგი აღარავისთვის არ არის საჭირო. მე მგონია ამას თქვენც კარგად ჰგრობთ, მაგრამ უბრალო კაცთმოყვარეობა გაიძულებთ დამაჯეროთ, თითქოს ჩემი შრომა ვისმესთვის გამოსადეგი იყოს. არ შემძლიან ღრმა მოწიწებით არ მოვიდრიკო მუხლი მაგ კაცთმოყვარეობის წინაშე, მაგრამ ამასთანავე ერთად არც ის შემძლიან, თქვენი სიტყვები მშრალ ჰემპარტებად მივიღო და კვლავ მოვიტყუო თავი იმით, თითქოს ჩემი შრომის დაწერით სამარადისო საქმეს ვაკეთებდე.

ექიმი. ნება მიბოძეთ, ბატონო ვახტანგ, ცოტა გულ-ახდილად გელაპარაკოთ.

ვახტანგი. გთხოვთ.

ექიმი. რად აპაობთ იმას, რაც თქვენ თითონაც არა გჯერათ? ხომ დარწმუნებული ხართ, რომ თქვენი შრომა იშვიათი მოვლენაა? რად გინდათ,—პირდაპირ გეტყვი, დაურიდებლად,—რად გინდათ სამარეში ჩაიტანოთ ის ღრმა აზრები, რომლებიც მარგალიტებივით არის გაფანტული თქვენს შრომაში?

ვახტანგი. (თანდათან სახე გაუბრწყინდება) ბატონო ექიმო!..

ექიმი. (სიტყვას გააწყვეტინებს). უფრო მეტსაც გეტყვით. თქვენ არავითარი ზნეობრივი უფლება არა გაქვთ, ჩაჰკლათ, ჩახაზოთ ბუნებით მონიჭებული უნარი შემოქმედებისა და შთამომავლობასაც დაუკარგოთ ნაყოფი ამ შემოქმედებისა. თქვენ მართო თქვენს თავს არ ეკუთვნით. პირადი ბედნიერება, იქნება სიცოცხლეც არაფერია შედარებით იმ მოვალეობასთან, რომელიც განგებას თქვენთვის დაუდვია. ვალდებული ხართ თქვენი ტვირთი ბოლომდის ზიდოთ, შრომა დაამთავროთ და ახალი ჰორიზონტი გადაუშალოთ შთამომავლობას, რომელიც ღრმა მოწიწებით მოაგონებს თქვენს სახელს და პატივისცემით მოიდრეკს მუხლს იმის წინაშე, ვინც მთელი თავისი არსება კაცობრიობის ბედნიერების სამსხვერპლს შესწირა. მე კი... მე, თუ გნებავთ, კვლავ დამცინეთ და შეურაცყავით.

ვახტანგი. არა, ბატონო ექიმო, თქვენი შეურაცყოფა აზრად არ მომსვლია. ვგრძნობ, რომ თქვენ კეთილი ვსურთ ჩემთვის. უფრო მეტსაც გეტყვით: თქვენ ერთად ერთი ადამიანი ხართ, რომელმაც ჩემი გულის ნადები გაიგეთ და გაჭირვების დროს დამეხმარეთ. დადგება ხოლმე წუთი, როდესაც გულის მღრღნელი ეჭვი დამებადება და მოსვენებას არ მძღვეს. აი სწორედ ასეთს წუთებში მესმის ყოველთვის თქვენი გამამხნეველი სიტყვა. ნუ თუ გგონიათ, რომ მე ასეთი ადამიანის შეურაცყოფა შემძლიან? არა, ბატონო, თქვენა სცდებით.

ექიმი. ძალიან მოხარული ვარ, თუ ეგ აგრე ყოფილა. რახან ჩემს რჩევას თქვენთვის მნიშვნელობა ჰქონია, ბარემ ბოლომდის მიიღეთ ჩემი რჩევა. მოიქეცით ისე, როგორც დაგარიგეთ. კიდევ გაიმეორებთ, კარგი იქნება, დროებით აქედან წახვიდეთ. როგორც ვატყობ, აქ ისე ვერა მუშაობთ, როგორც საჭიროა.

ვახტანგი. მართალია, აქ... ისე ვერა ვმუშაობ, როგორც საჭიროა. თითქოს ყველაფრით ხელს მიწყობენ, მაგრამ მაინც რაღაცა მიშლის. აზრები კარგად ვერ მომიკრეფია. ეხლა მეც მგონია, უკეთესი იქნება დროებით მაინც აქედან წავიდე. (ხელთ-ნაწერს გადაფურცლავს) წარმოიდგინეთ, ეს ორი კვირა იქნება ჩემი შრომისთვის ხელი არ მომიკიდია. აზრები დამილაგდება ხოლმე თავში, ჩამოყალიბდება; მაგრამ საკმარისია მაგიდასთან დავჯდებ და ხელში კალამი ავიღო, რომ მყისვე დამეფანტოს. აქ როგორღაც კარგად ვერ მოვეწყე, რაღაცა მიშლის. სხვაგან რომ წავიდე იქ უსათუოდ კარგად ვიმუშაებ. დარწმუნებული ვარ, სხვაგან კარგად ვიმუშაებ, აქ კი კარგად ვერ მოვეწყე. რაღაცა მიშლის.

ექიმი. მეც ეგრე მგონია. ამოირჩიეთ სადმე მყუდრო ბინა, მოეწყეთ ისე, რომ საზრუნავი აღარაფერი გქონდეთ და მთლად თქვენს შრომას შესწირეთ თქვენი თავი. მშობლებიც წინააღმდეგობას არ გაგიწევენ. დარწმუნდებიან თუ არა, რომ ეს სასარგებლოა არა მართო თქვენი შრომისთვის, არამედ ჯანმრთელობისთვისაც, სიხარულით დასთმობენ და შვილის განზორებას შეურგიდებიან—ამას მე ჩემს თავზე ვკისრულობ. ეხლავე რომ შეუდგეთ საქმეს, ერთი-ორი ორი კვირის შემდეგ შეგეძლებათ წასვლა.

ვახტანგი. ორი კვირის შემდეგ? ეგრე გვიან რათა, ბატონო ექიმო? არ შეიძლება უფრო ადრე წავიდე? მალე წავალ, ეხლავე! რაღა საჭიროა ცდა? ცოტა ხანი კიდევ რომ დავრჩე, დარწმუნებული ვარ სამუდამოდ დავიღუპები. აქ ნელ-ნელა ვსდნები, ვილევი. იქ კი უსათუოდ კარგად გავხდები და მუშაობასაც შეგძლებ. (მუდარებით) როგორმე იოვანხეზოთ, ბატონო ექიმო, და მალე გავეძახავოთ.

ექიმი. ორ-სამ დღეზე ადრე მაინც არ ივარგებს.

ვახტანგი. რატომ არ ივარგებს, რატომ? აქ დარჩენა აღარ შემძლიან.

ექიმი. სიცხე გაქვთ, უნდა ცოტა გამოკეთდეთ. საშიში მაინცა და მაინც დიდი არაფერია, მაგრამ მგზავრობა გაწყენთ. მე რომ წამლები გამოვიწერეთ, ის დალიეთ, ცოტა მომავრდით. ყუათზე მოდით და შერე, საცა გინდოდეთ იქ წადით.

ვახტანგი. (მოუთმენლად) შეუძლებელია, შეუძლებელია! აქ რომ დავრჩე, დავიღუპები, სამუდამოდ დავიღუპები. თქვენთვის ადვილია კვირაობით თვლა. ჩემთვის კი ყოველივე წუთი დაუფასებელია. თუ აქედან არ წავიდი, ველარაფერს მოვასწრობ. დავიღუპები და ჩემთან ერთად დაიღუპება ჩემი შრომაც, დაუმთავრებელი შრომა.

ექიმი. თუ ეგრე ძალიან ამიხირდებით, იყოს ნება თქვენი. სჯობდა კი, ცოტა ხანს მოგეცადათ...

ვახტანგი. არა, არა სჯობდა! მე უფრო კარგად ვიცი ჩემი ავადმყოფობა. აქ ერთავად სიცხე მაქვს, იქ კი ერთბაშად გამოვბრუნდები. ჩემი სოფელი ციებია და ეხლა ციებაც დამაწყებინა. ჰაერს რომ გამოვიცვლი, ერთბაშად გამოვბრუნდები. ჩემი ავადმყოფების საქმე მე უფრო კარგად ვიცი.

(შემოდის მარინე, დაღვრემილია).

მარინე. ელენე მოვიდა, შენი ნახვა ჰსურს.

ექიმი. (უკმაყოფილოდ) ელენე!

ვახტანგი (შეკრთება. თითქოს თავის თავს ელაპარაკებაო).

აკი ვითხარით, ბატონო ექიმო, მალე უნდა წავიდეთ-მეთქი.

მარინე. (ენერგიულად) ვეტყვი, რომ იმისი მიღება არ შეეძლებოდა არც ესხლა და არც შემდეგში.

(პაუზა).

ექიმი. მეც გირჩევთ.

(პაუზა).

ვახტანგი. სთხოვე, მოვიდეს.

მარინე. შეილო!..

ვახტანგი. (ბრაზ-მორყული) სთხოვე-მეთქი... ესხლა გვიანდაა.

ექიმი. (მარინეს) მარტო დაესტოვოთ. მე მგონია, ვახტანგს თითონაც მოეძებნება საკმაო ძალა წინააღმდეგობისთვის. (თვალთვალს გაუყრის ვახტანგს) არ დაგავიწყდეთ თქვენი წმინდა მოწოდება, განსაცდელში არ ჩააგდოთ იგი. (მარინეს) წავიდეთ.

(მარინე და ექიმი გადიან. ცოტა ხნის შემდეგ ელენე შემოდის. ეტყობა აღელვებულია).

ელენე. გელოდი. არ მოხვედი. სჩანს, საჭირო აღარა ვყოფილვარ. არც ესხლა დაგირღვევი მყუდროებას, წასვლას რომ არ ვაპირებდე.

ვახტანგი. განა მიდიხარ კიდევ?

ელენე. დიახ, მივდივარ და სწორედ იმიტომაც ვაგებდე მოსვლა. მოვედი, გამოგეთხოვო, გამოგეთხოვო სამუდამოდ. იმედია ამ უკანასკნელ სურვილს დანაშაულობად არ ჩამითვლი. იქნება უკეთესიც ყოფილიყო, წასვლისას არ მენახე. რა საჭიროა ნახვა ადამიანისა, რომლის გულშიაც შენი სახე სამუდამოდ აღმოფხვრილა! მაგრამ შე ქალი ვარ და ქალულმა სისუსტემ სძლია გონება.

ვახტანგი. ელენე! მაგ კილოთი რად მელაპარაკები! შენ ხომ ძალიან კარგად იცი, მე დაღუპული ადამიანი ვარ. სხვა შეიძლება ამას ვერა ჰხედავდეს, მაგრამ შენ ჰხედავ. ჰხედავ და მაინც უმოწყალო ხარ, დაუნდობლად მიკოდავ გულს, რომელიც ლამის არის ორად გაიპოს.

ელენე. მაპატიე. მაგრამ სხვანაირად შენთან ლაპარაკი აღარ შემიძლიან. ყველაფერი დამეღუპა. მთელი იმედი, მთელი ჩემი ნუგეში შენ იყავი (ნაზის გრძობით) შენთვის ესცხოვრობდი, შენით ვსუნთქავდი. ვეალერსებოდი შენს სახეს, როგორც წმინდათა-წმინდას. მწამდა, იყო ქვეყანაზე ბედნიერება და ამ ბედნიერებას შენში ვხედავდი. მაგრამ აი, დადგა ჟამი და გაჰქრა ყოველივე. აღარ არსებობს ჩემთვის აღარც სიცოცხლე, აღარც ბედნიერება.

ვახტანგი. ელენე!..

ელენე. მაპატიე, მაპატიე, რომ ვეღარ შეგძულ და უკანასკნელად ერთხელ კიდევ მოვინდომე შენი ნახვა. ერთხელ კიდევ მივლოდა და დამენახა ის, ვინც ასე ძალიან მიყვარდა, ერთხელ კიდევ მივლოდა შემეხედნა იმ თვალებისთვის, რომლებმაც ანთეს ჩაუქრობელი ცეცხლი სიყვარულისა ჩემს გულში. შენ სულ-გრძელი ხარ, ვახტანგ, და მაპატიებ.

(პაუზა. ელენეს ცრემლი მოადგება თვალებზე და ჩუმად მოიწმენდს).

ვახტანგი. (აღელვებული. გრძობით). ელენე, ჩემო ელენე, ამას რას ვხედავ? ნუ თუ სტირი?

ელენე. შენს ფეხრთა ქვეშ ვარ, უმწეო და უნუგეშო!

ვახტანგი. (გრძობით წინ წაიწევს) ელენე!

ელენე. მოდი ჩემთან, მოდი ახლო! მომეცი შენი ხელი.

ვახტანგი. (მიუახლოვდება და ხელს გაუწოდებს).

ელენე. (გრძობით კოცნას დაუწყებს) პირველად და უკანასკნელად!

ვახტანგი. (გრძობით) არა, ელენე, უკანასკნელად არა! შორს ჩემგან ყოყმანი და ჯადოსნური ქსელი. მე მუდამ შენი ვიყავი და შენი ვიქნები სიკვდილამდის. დაე, გაჰქრეს ყოველივე, დაე სამარადისო არ ყოფნამ მოიცვას ჩემი სახელი, ოღონდ კი შენთან ვიყო და განვიცადო ღვთაებრივი ცეცხლი სიყვარულისა! ამიერიდან შენთან ვიქნები, შენთან ვიქნები იმ დრომდე, სანამ დაშლილ სხეულს სულის ტარება შეუძლიან!

ელენე. (აღფრთხვანებული). ოჰ, განგებავ, ბრძნულია შენი გარდაწყვეტილება. ვერავითარ ძალს ვერ შეუძლიან ჩააქროს ცეცხლი სიყვარულისა! (ვახტანგს) შენომხედე, შემომხედე! (ორივე ხელს დაუქერს და თვალებში ჩააშტერდება) როგორ ერთბაშად გამოიცვალე. კვლავ იფეთქა სიცოცხლემ შენს თვალებში, კვლავ ამოძრავდა

სისხლი და კვლავ შექმენი სხივი გადაეღო შენს სახეს, ლამაზს სახეს. (მიუახლოვდება და გრძობით თვალებში აკოცებს).

ვახტანგი. შენ დამიხსენი განსაცდელისაგან, შენ დამიბრუნე სიცოცხლე და ბედნიერება. (პოკონის).

ელენე. მაკოცე, მაკოცე! მომხვიე ხელი.

ვახტანგი. (მოხვევა. გრძობით). არაფერი არ შეეძლება შენს თვალებს, რომლებიც დაუშრეტელ გრძობას ჰხატავენ, შეუდარებელია შენი ტუჩები, რომლებშიაც მთელი მსოფლიოს ცეცხლი მოგროვილა, თავბრუდამსხმელია შენი ქალწულის გულმკერდი, რომელიც აფორიაქებულ გრძობას ვეღარ იტევს და ჰფეთქავს, ჰფეთქავს უზომო ჟინით.

ელენე. დამიკოცნე თვალები, — ისინი უცნაურ, ჯადოსნურ ზღაპარს გეტყვიან; დამიკოცნე ტუჩები — ისინი ნაკვერჩხალივით დაგწვენენ და ნეტარებას გაგრძობინებენ; მკერდით მოეკარ ჩემს გულმკერდს — მათ შორის საოცნებო სიმი გაიბმება და ერთის გრძობით დაიწყებს ფეთქვას ორთავეს გული.

ვახტანგი. აღარ ექნება დასასრული ნეტარების წუთს!

ელენე. განა შეიძლება ჰქონდეს დასასრულ სიყვარულს? (გადაეხვევიან ერთმანეთს და პოკონიან).

(პაუზა).

ვახტანგი. რა უცნაურია შედუღება მოსიყვარულე გულთა!

ელენე. წავიდეთ აქედან! წავიდეთ იქ, ძველთა-ძველ კოშკის ნანგრევებთან, საიდანაც იშლება მშვენიერი სურათი ხეობისა. კოშკი იგი ცად არის აღმართული. მედიდურად და ამაყად გადასცქერის ბარს, ველს, მთელს ხეობას, მდინარეს, რომელიც გველივით მიიკლაკნება ღმისი ზვირთებიც ვერცხლის ფრად ბრწყინავს. აქ სული მეხუთება! საშინლად დაგვწოლია გულზე ჭერი, კედლები, მთელი ეს მოწყობილება ოთახისა. აქ ჰაერიც კი სიკვდილით არის გაჟღენთილი. წავიდეთ იქ, ძველთა-ძველ კოშკის ნანგრევებთან.

ვახტანგი წავიდეთ! დაე ცამ დაავიკვინოს ჩვენი წმინდა სიყვარული.

(გარბიან).

(დიდი პაუზა. ისმის ნუცას ვიოლინის ხმა. თავდაპირველად წყნარად და ნაზად უქრავს. თანდათან კი სასიამოვნო ხმები რალაც შემკრთალი და შფოთიანი ჰხდება. ცოტა ხნის შემდეგ ნაზი ხმები სრულიად იკარგება. მათ ნაცვლად გიჟური ისმის. ერთბაშად რალაც ბზრიალი გაისმის ვიოლინის ხმაც შესწყდება. ოთახში შეშინებული, მთლად გადაფითრებული ნუცა შემოდის).

ნუცა. (ძლივს და ლაპარაკობს) დედა!

მარინე. (შემოვარდება. თან ექიმიც შემოჰყვება). რა იყო, შეილო?

ნუცა. სიმი გასწყდა! (უმწეოდ სკამზე დაეცემა).

(სწორედ ამ დროს სცენაზე ვახტანგი შემოვარდება. ისიც საშინლად გადაფითრებულია. უსაზღვრო შიშისაგან თვალები გაჰვანიერებია. თმები აწეწილ-დაწეწილი აქვს, ძლივს და სუნთქავს).

ვახტანგი. დედა! მიშველე! სისხლი... სისხლი (ხელსახოცს იფარებს ტუჩებზე და საშინლად ახველებს. სუსტდება).

(ექიმი სკამს მიაშველებს და დასვამს).

ექიმი. ჩქარა, წყალი!

მარინე. (წყალს მიაწოდებს) რა იყო? რა მოგივიდა, შეილო! ვაი ჩემს თავს, ვაი შენს დედასა, შეილო!

ექიმი. ლოგინი მოამზადეთ!

ვახტანგი (გაშტერებული ზის. ცოტა ხნის შემდეგ). იყო დღე... ესხლა კი ღამეა. ვარსკვლავები ნაპერწკლებს მაყრიან თვალებში. მჩხვლიტავენ. (მიაშტერდება ფანჯარას და ასე გაშტერებული ზის კარგა-ხანს. თანდათან უფრო ფითრდება. თვალებიც უაზრო გამომეტყველებას იღებს) ხან შექია... ხან სიბნელი... ხან დღე... ხან ღამე... დედა!.. სისხლი.. სისხლი!.. (კვდება).

ექიმი. (მაჯას გაუსინჯავს) გათავდა!.. (მარინე ქვითინით შვილს დაუწყებს კოცნას).

ნუცა. საწყალი ძამია! სასწაული ვერ მოახდინა!..

ფ ა რ დ ა .

გარდელი.

